

ეპატრიარქოს


ოქტომბერი

№⁷
917



საქართველოს
საპატრიარქოს
პრესცენტრის
ყოველკვირეული
გამოცემა

21-27 ოქტომბერი 2019 წ. გამოიცემა 1999 წლის 8 იანვრიდან
ვასი 70 თერი



- ✖ პატრიარქის ეაღაგაშაბი
- ✖ უძლიერი მასიურის კვირა
- ✖ „ინდა, მოვუცოდო ყველას,
თუ გააკათაგან არაჯასეალ,
აზრსმოკლაპულ
განცხადაგაბს“
ინტერვიუ
მიტროპოლიტ
ანდრიასთან (გვაზავა)

- ✖ ნინო მახარის
დარიგაგანი
აღსარაპისათვის
- ✖ ქრისტიანული
ჰილანის მიზანის და
ახალი გზაგი
- ✖ ჩამართიალი კასრაპეაბის
ოჯახი

ზოთისა და ხობის ეპარქია - ახალი საქართველოს უნივერსიტეტი

ქრისტიანული ჰერმენევტიკის ძველი და ახალი გზები - სამაცნიო კონფერენცია ახალი საქართველოს უნივერსიტეტში



2019წლის 12 თებერვალს ახალი საქართველოს უნივერსიტეტში გაიმართა სამეცნიერო კონფერენცია „ქრისტიანული ჰერმენევტიკა - ისტორია და თანამედროვეობა“, რომელშიც მონაწილეობდნენ უნივერსიტეტის კავკასიური ფილოსოფიისა და თეოლოგიის სამეცნიერო-კვლევითი არქივის მეცნიერ-თანამშრომლები და მკულევარები. კონფერენციას ესწრებოდა უნივერსიტეტის რექტორი, ფოთისა და ხობის მიტროპოლიტი გრიგოლი (ბერბიჭაშვილი), პროფესორ-მასწავლებლები, სტუდენტები და სასულიერო პირები. კონფერენცია გახსნა არქივის დირექტორმა, პროფესორმა თენგიზ ირემაძემ. ასოცირებულმა პროფესორმა გიორგი ხუროვშილმა გააკეთა შესავალი მოხსენება სათაურით: „ჰერმენევტიკა და ქრისტიანული ჰერმენევტიკა - მეთოდები და პარადიგმები“; მან ის საკვანძო საკითხები და პრობლემები განიხილა, რომლებმაც დიდწილად განაპირობა ქრისტიანული ჰერმენევტიკის ბუნება. ასისტენტ-პროფესორმა, არქიმანდრიტმა დიონისი გვიმრაძემ კი წარმოადგინა შემდეგი მოხსენება: „ქრისტიანული ჰერმენევტიკის ძველი და ახალი მოდელები“; ამ მოხსენებაში განხილული იქნა ქრისტიანული ჰერმენევტიკის განვითარების სხვადასხვა ეტაპები. არქიმანდრიტმა დიონისემ ისაუბრა ქრისტიანული ჰერმენევტიკის მნიშვნელობაზე აღმოსავლეთსა და დასავლეთში, ასევე, მეოცე საუკუნის ფილოსოფიური ჰერმენევტიკის ისეთი დიდი წარმომადგენლის კონცეფციაზე, როგორიცაა, მაგალითად, პანს გეორგ გადამერი. ახალი საქართველოს უნივერსიტეტის დოქტორანტებმა, ნიკოლოზ კოპალე-

იშვილმა და ბესიკ მაშავამ წაიკითხეს მოხსენებები შემდეგ თემებზე: „ქრისტიანული ჰერმენევტიკის დაფუძნება ნეტარ ავგუსტინესთან“ და „თეოდორე აბუკურას ჰერმენევტიკული მეთოდი“. ნიკოლოზ კოპალეიშვილმა წარმოადგინა დიდი ქრისტიანი მოაზროვნის, ნეტარი ავგუსტინეს ჰერმენევტიკული შეხედულებები, კერძოდ, ქრისტიანული ეთიკის როლი ქრისტიანულ ჰერმენევტიკაში, ხოლო ბესიკ მაშავამ კი განიხილა დიდი არაბი ქრისტიანი მოაზროვნის, თეოდორე აბუკურას შეხედულებები. იქიდან გამომდინარე, რომ აბუკურა ქართულ სამეცნიერო სივრცეში ნაკლებად გახლავთ ნაკვლევი, უკანასკნელმა მოხსენებამ დიდი ინტერესი გამოიწვია. სამეცნიერო კონფერენციაზე დეტალურად განიხილეს ქრისტიანული ჰერმენევტიკის საფუძველმდებარე პრობლემები, ამასთან წარმოჩნდა არაერთი მნიშვნელოვანი ჰერმენევტიკის მოაზროვნის პოზიცია ხსენებულ საკითხებთან დაკავშირებით. მოხსენებათა შემდგომ გაიმართა პლენარული დისკუსია, სადაც დამსწრე საზოგადოებას საშუალება მიეცა მათთვის საინტერესო საკითხები მომხსენებლებთან ერთად დაწვრილებით განეხილათ. დისკუსიაში აქტიურად მონაწილეობდნენ ახალი საქართველოს უნივერსიტეტის პროფესორ-მასწავლებლები, სტუდენტები და სასულიერო პირები. დისკუსიის დროს არაერთი მნიშვნელოვანი საკითხი დაისვა და გამოიკვეთა სამომავლო ჰერმენევტიკული კვლევების სამედიორ პერსპექტივები.

ნიკოლოზ კოპალეიშვილი

ქრისტიანული ფილოსოფიის მაგისტრი,
ახალი საქართველოს უნივერსიტეტის
კავკასიური ფილოსოფიისა და თეოლოგიის
სამეცნიერო-კვლევითი არქივის
ასისტენტი-მკვლევარი